

REPUBLIKA SRPSKA
OPŠTINA PELAGIĆEVO
NAČELNIK

Broj predmeta: 02-022- 137 /21
Datum: 07.10.2021. godine

Na osnovu odredbi člana 193. stav 1. i 197. Zakona o opštem upravnom postupku Bosne i Hercegovine, člana 69. stav 2. tačka d), člana 70. Stavovi 4. i 6. Zakona o javnim nabavkama Bosne i Hercegovine («Službeni glasnik BiH», broj: 39/14), na preporuku Komisije za javne nabavke od 05.10.2021. godine, u postupku javne nabavke radova: „Sanacija putne infrastrukture na području Opštine Pelagićevo“, otvoreni postupak, broj obavještenja 298-1-3-4-3-3/21 od 20.04.2021. godine i ispravka obavještenje broj 298-1-3-4-8-5/21 i 298-1-3-4-3-3/21, postupajući po rješenju Kancelarije za razmatranje žalbi broj JN2-02-07-1-1689-8/21 od 26.08.2021. godine, ugovorni organ Opština Pelagićevo, Načelnik Opštine, donosi

O D L U K U

O PONIŠTENJU POSTUPKA JAVNE NABAVKE

Poništava se postupak javne nabavke radova „Sanacija putne infrastrukture na području Opštine Pelagićevo“, otvoreni postupak, broj obavještenja 298-1-3-4-3-3/21 od 20.04.2021. godine, iz razloga navedenog članom 69. stav 2. pod d) Zakona o javnim nabavkama Bosne i Hercegovine («Službeni glasnik BiH», broj: 39/14), jer nijedna od primljenih ponuda nije prihvatljiva.

Za realizaciju ove odluke zadužuje se Služba za javne nabavke.

Ova Odluka objaviće se na web - stranici Ugovornog organa istovremeno s upućivanjem iste ponudačima koji su sudjelovali u postupku javne nabavke u skladu sa članom 70. stav 6. Zakona o javnim nabavkama Bosne i Hercegovine.

O b r a z l o ž e n j e

Dana 19.03.2021. godine ugovorni organ Opština Pelagićevo je objavio obavještenje o nabavci broj 298-1-3-4-3-3/21, a dana 20.04.2021. godine i ispravku obavještenja broj 298-1-3-4-8-5/21 i 298-1-3-4-3-3/21, u postupku javne nabavke - „Sanacija putne infrastrukture na području Opštine Pelagićevo“, otvoreni postupak.

Ponude u predmetnom postupku javne nabavke su dostavili Grupa ponudača „Galax niskogradnja“ d.d. Brčko i „Weld mag“ d.o.o. Brčko u iznosu od 180.000,00 KM bez PDV-a i ponudač „Martić inter copp“ d.o.o. Modriča u iznosu od 179.500,00 KM bez PDV-a, da bi nakon toga ugovorni organ proveo e-aukciju i poništio postupak javne nabavke Odlukom od 04.06.2021. godine.

Na navedenu Odluku žalbu je izjavila Grupa ponuđača „Galax niskogradnja“ d.d. Brčko i „Weld mag“ d.o.o. Brčko, a ista žalba je usvojena rješenjem Kancelarije za razmatranje žalbi broj JN2-02-07-1-1689-8/21 od 26.08.2021. godine.

Postupajući po rješenju KRŽ-a od 26.08.2021. godine, Komisija za javne nabavke je pristupila detaljnoj analizi, ponovnom pregledu i vrednovanju svih pristiglih ponuda, te nakon toga konstatujemo sljedeće:

Uvidom u ponudu ponuđača „Martić Inter Copp“ d.o.o. Modriča, a crpeći navode iz Rješenja KRŽ-a od 26.08.2021. godine, nesporno je utvrđeno da ponuda ovog ponuđača sadrži sljedeće nedostatke koji se ogledaju u nespornoj činjenici da su na strani 20. ponude ovog ponuđača vidljivi otisci korekturnog laka na mjestu gdje je višena numeracija, a ovaj ponuđač je propustio da navede datum izvršene ispravke, što je postupanje suprotno članu 18. stav 1. tačka m) Upustva za pripremu tenderske dokumentacije i ponuda, a što je i stav KRŽ-a u rješenju od 26.08.2021. godine.

Na ovaj način ponuda je pripremljena suprotno odredbama člana 57. stav 1. Zakona o javnim nabavkama i članu 18. stav 1. tačka m) Uputstva za pripremu tenderske dokumentacije i ponuda i ista neprihvatljiva ugovornom organu u smislu odredbi člana 68. stav 4. tačka i) Zakona o javnim nabavkama, te se kao takva odbacuje.

Uvidom u ponudu ponuđača Grupa ponuđača „Galax niskogradnja“ d.d. Brčko distrikt i „Weld mag“ d.o.o. Brčko Distrikt utvrđeno je da u ponudi dostavljen Ugovor o konzorcijumu od 26.04.2021. godine, zaključen između „Galax niskogradnja“ d.d. Brčko distrikt i „Weld mag“ d.o.o. Brčko distrikt, **da je data zajednička ponuda, ali da ponuda ni dostavljeni ugovor ne sadrže sve elemente tražene tačkom 5.7. Tenderske dokumentacije koje odredbe regulišu učešće „Grupe ponuđača“ u konkretnom postupku javne nabavke.**

Naime, tačkom 5.7. Tenderske dokumentacije je predviđeno da: „U zajedničkoj ponudi mora biti navedeno koji će dio ugovora o javnoj nabavci (predmet, količina, vrijednost i postotni dio) izvršavati pojedini član grupe ponuđača.“

U Ugovoru o konzorcijumu od 26.04.2021. godine, kao niti u jednom dijelu ponude Grupe ponuđača, ne postoje elementi na osnovu kojih bi ugovorni organ mogao zaključiti koji dio ugovora će izvršavati pojedini član Grupe ponuđača, odnosno iz ponude Grupe ponuđača nisu vidljivi traženi elementi količine, vrijednosti i postotnog dijela svakog pojedinog člana grupe.

U navedenom ugovoru je vidljivo da je predmet učešća „Galax niskogradnje“ formiranje cijena i izvođenja radova (član 3. Ugovora), a predmet učešća „Weld maga“ je pružanje usluga opreme, mehanizacije i isporuka šljunka (član 4. Ugovora), ali osim ovih parametara ostali parametri kao što su količine, vrijednosti i postotni dijelovi se ne pominju na bilo kakav način, čak ni uopšteno, ni u ugovoru, ni u ponudi, slijedom čega ponuda nije pripremljena prema zahtjevu ugovornog organa iz tenderske dokumentacije navedenom u tački 5.7. tenderske dokumentacije.

Dakle, kako je ugovorni organ zahtijevao da iz ponude Grupe ponuđača u vrijeme dostavljanja ponude obavezno bude vidljivo koji će dio ugovora o javnoj nabavci u vezi sa predmetom, količinom, vrijednošću i postotnim dijelom izvršavati pojedini član grupe ponuđača, a ovi uslovi su postavljeni kumulativno, a kako iz ponude Grupe ponuđača „Galax niskogradnja“ d.d. Brčko distrikt i „Weld mag“ d.o.o. Brčko distrikt ovi podaci nisu vidljivi, ponuda je pripremljena suprotno odredbama člana 57. stav 1. Zakona o javnim nabavkama i tački 5.7. Tenderske dokumentacije, i ista neprihvatljiva ugovornom organu u smislu odredbi člana 68. stav 4. tačka i) Zakona o javnim nabavkama, te se kao takva odbacuje.

Kako je Komisija predložila da se postupak poništi, a u skladu sa primjenom člana 69. stav 2. pod d) Zakona o javnim nabavkama Bosne i Hercegovine, odlučeno je kao u izreci ove Odluke.

Pouka o pravnom lijeku: Protiv ove Odluke dozvoljena je žalba u roku od 10 (deset) dana, računajući od dana kada je ponuđač primio Odluku. Žalba se izjavljuje Kancelariji za razmatranje žalbi, a putem ugovornog organa, u skladu sa članom 99. i 101. ZJN BiH, u dovoljnom broju primjeraka, a koji ne može biti manji od tri.

ODLUKA
O PONIŠTAVANJU POSTUPKA
REPUBLIKA SRPSKA
OPŠTINA BRČKO
NACELNIK OPŠTINE

Slavko Tešić /